



SANCTUS Theodorus à Deo plurimis donis & uirtutibus ornatus fuit. Is enim sua doctrina & pietate Valesianos in uera Christi religione diligenter instituit, atq; omnes in sua uocatione perseuerare docuit. Itaq; factum cū post Rufum Octodurensē præfulem Episcopatus Sedunum à rege Burgundionum Sigismundo transferreretur, ut hic Theodorus ob plurimas uirtutes eius loci primus præsul ordinatus fuerit. Vnde etiam in fundatione monasterij S. Mauritij hic Theodorus cū alijs præsulibus subscripsit, anno post Christū 550. Cum autē magna prudentia hanc Ecclesiam administrasset, S. Theodorus, qui etiam uulgò Theodo-

lus dicitur, ex hac uita in cœleste gaudium penetrauit. In huius Theodori memoriam postea Carolus Magnus Ecclesiam Sedunensem multis donis & priuilegijs exornauit. Vnde factum ut aliqui postea hunc Theodorum Carolo cœuū posuerint. Ioan. Stumpff. lib. II. Helueticæ historiæ. Ut autem horum Episcoporum successione habeamus, eos pro uirili subijcere placet.